

**Vahtsõaastaku Uma Pido lauluproovi' naisilõ nurmõst ja miihile mõtsast!**

**Novembrin naati pääle II võrokeelitse laulu- ja rahvapido Uma Pido laulupruuvõga noilõ miihile ja naisilõ, kiä egäpäävätselt laulman ei käü'. Ettevõtmist jakatas – egä kuu kooni' Uma Pidoni, miä om 29. mail 2010, saias üts kõrd kokko ja nii opitas är' miihi- ja naisikuurõ ja ütiskuurõ laulu' II Umal Pido laulmisõs. Koorijuhi' kinnitase', et ka viil kolmandahe laulupruuvi oodõtas päälenakkajaid lauljit!**

Nii Põlvan ku Võrol tull' katõ edimädse prooviga laulma umbõs 30 lauluhimolist naist. Miihi kogonesi Vanna-Koilah kah, a peris noid, kiä koskil laulmani ei käü', oll edimäidsil kõrdil veidü – inämb oll noid, kiä käävä Võru vai Põlvamaa miihikoorin vai mõnõn segäkoorin.

Ka kolmandahe pruuvi oodõtas vahtsit lauljit nurmõlt, mõtsast, küläst ja liinast, noid, kiä tütlratsõ/poiskõsõna vai tudõngina vai ka ildampa omma' koorin laulnu, a parla ei laula'; niisamatõ oodõtas segäkuurõ ja -ansamblide naisi ja miihi. Niimuudu kuun harotadõn saava' projektkoori' "Naasõ' nurmõlt" ja "Mehe' mõtsast" Uma Pido laulu' selges. Oodõtas kõiki, kinkal om lauluhellü, noodi perrä laulmisõ mõistminõ olõ-i tähtsä! Taa ettevõtmisõ mõtõ olõ-i kokko saia' vahtsit kõikaig kuun käüvit kuurõ, a panda' naisi ja miihi helü' pidol kõlama.

**Naasõ'** harjotasõ' eräle Põlvan ja Võrol. Kotus tulõ valli' tuu perrä, kohe lähemb minnä' om, vai kohe tutva' joba iin lätsi'! Põlvan tegeles vahtsidõ lauluhimoliisi naisiga Põlva naisikoori Mai dirigent Saidi Tammeorg ja Võrol naisikoori Kannel dirigendi' Helga Ilves ja Erja Arop.

**Naisi kokkosaamisõ' omma' jaanuarin:**

**Iispäävä, 11. jaanuaril kell 19.00. Võro Kultuurimajan Kannel.** NB! Kiä tulõ edimäst kõrda, tulku 18.30, sõs saa koorijuht lauljalõ helüpruuvit tetä'.

**Tõsõpäävä, 19. jaanuaril kell 18.00. Põlva Kultuurikeskusen.** Põlvan tetäs vahtsidõ tulõjõidõ helüpruuvit joosupäält är'!

**Miihi** laulmist võtt iist Andres Määr, kiä om nii Võro ku Põlvamaa miihikoori üts dirigentest. Mehe' saava' kokko "keskpõrmandu pääl" Võro ja Põlva vaihõl Vanah-Koiolah.

**Miihi jaanuarikuu kokkosaaminõ om:**

**Pühapäävä, 17. jaanuaril kell 16.00. Vana-Koiola rahvamajan.**

Nii naisi ku miihi veebruari kokkosaamisõ' antas teedä' proovin ja kuulutadas Uma Pido kodolehe pääl [www.umapido.ee](http://www.umapido.ee) ja Uman Lehen.

Teedüs Saidi Tammeorult (tel 5097391), Helga Ilveselt (tel 5283549), Andres Määrilt (5284859) ja Uma Pido kodolehe päält [www.umapido.ee](http://www.umapido.ee).

**Laul hoit naasõ' ilosa' ja mehe' kimmä'! Näemi laulman!**

Triinu Ojar  
II Uma Pido projektijuht  
Tel 533 22 153